

Innuttaasut feeriarnermusiassaasa Sulinnigiffeqarnermut Inatsit naapertorlugu sulisut sulinnigiffeqarneranut takussutissiisumik attaveqarfissanut paasissutissat naammattut pigineqarnerinik qulakkeerinninnissamut periusiliortoqarnissaanik Naalakkersuisut suliaqaqqullugit peqquneqarnissaanik Inatsisartut aalajangiiffigisassaattut siunnersuut.

Inatsisartunut ilaasortamit Doris J. Jensenimit, Siumut, saqqummiunneqartoq

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerneqarneranut

ISUMALIUTISSIISSUTAA

Ataatsimiititaliap kingullermik suliarinninnermini uku ilaasortarai:

Inatsisartunut ilaasortaq Karl Tobiassen, Siumut, Siulittaasoq

Inatsisartunut ilaasortaq Emanuel Nûko, Naleraq, Siulittaasup tullia

Inatsisartunut ilaasortaq Lars Poulsen, Siumut

Inatsisartunut ilaasortaq Dines Mikaelson, Siumut, Ataatsimiititaliamut ilaasortamut sinniisoq

Inatsisartunut ilaasortaq Asii Chemnitz Narup, Inuit Ataqtigiit, Ataatsimiititaliamut ilaasortamut sinniisoq

Inatsisartunut ilaasortaq Mikivsuk Thomassen, Inuit Ataqtigiit

Inatsisartunut ilaasortaq Aqqalu Jerimiassen, Atassut

UPA2023-mi 10. maaji siullermeerinninnerup kingorna siunnersuut ataatsimiititaliamit misissorneqarpoq.

1. Siunnersuutip imarisaa siunertaalu

Matumani siunnersuutip siunertaraa feeriarnerisutissat tiguneqanngitsut sulisitsisumut, peqatigiiffimmut allanulluunniit pinatik innuttaasumut katersisimasumut tunniunneqartarnissaasa qulakkeerneqarnissaa. Tamanna pissaq sulisut suliunnaarnerannut imaluunniit nuunnerannut atatillugu periusissiamik Naalakkersuisut atuutilersitsinissamik peqquneqarnerisigut, taamaalilluni feeriarnerisutissat pineqartumut tunniunneqarsinnaaqullugit.

2. Inatsisartuni siunnersuummik siullermeerinninneq

Inatsisartuni siunnersuummik siullermeerinninnermi Naalakkersuisunit allannguutissatut siunnersuut imaattoq saqqummiunneqarpoq:

”Feriarnersiutit pisoqalisut sapinngisamik akissarsiaqartumut tunniunneqartarnissaat anguniarlugu, feriarneq pillugu inatsit allannngortinnissaanut tunngavissaqarnersoq misissornissaanut Naalakkersuisut peqquneqarnissaannut Inatsisartut aalajangiiffigisassaattut siunnersuut. Misissuinerup takutippagu inatsimmik allannguinnissaq tunngavissaqanngitsoq, tamatumunnga tunngaviusoq pillugu Inatsisartuni ataatsimiititaliat attuumassuteqartut Naalakkersuisut ilisimatitsinissaannut peqquneqassapput.”

Siullermeerinninnermi Naleraq allannguutissatut siunnersuummik imaattumik saqqummiussivoq:

”Innuttaasut feeriarnermusiassaasa Sulinngiffeqarnermut Inatsit nalimmassarlugu sulisut sulinngiffeqarneranut takussutissiisumik piunasaqaateqartarunnaarnissamik Naalakkersuisut suliaqaqqullugit peqquneqarnissaanik Inatsisartut aalajangiiffigisassaattut siunnersuut”

Feeriarnermusiassat katersisimasunut tunniunneqartarnissaat inersuarmi tamanit isumaqatigiissutigineqarpoq. Siunnersuutit Inuussutissarsiornermut Aatsitassanullu Ataatsimiititaliamut suliaassanngortillugu innersuussutigineqarput.

3. Apeqqutit

Ataatsimiititaliap siunnersuummik suliaqarnerminut atatillugu Isumaginninnermut, Suliffeqarnermut, Nunamullu Namminermut Naalakkersuisoq apeqqutit arlallit akissuteqarfigeqqullugit qinnuigaa. Ataatsimiititaliap apeqqutai Naalakkersuisullu akissutaat matumani isumaliutissiisummi ilanngussaq 1-itut kakkiunneqarput.

4. Ataatsimiititaliap siunnersuummik suliarinninnera

Sulisartut allami najugaqaleraluarlutik suliffittaaraluarlutilluunniit feeriarnermusiassamik tigusarnissaannik qulakkeerinninnissamik siunnerfeqarneq siullermeerinninnermi Inersuarmi taparserneqarluortoq ataatsimiititaliap maluginiarpaa. Inuit katersorsimasaminnik feeriarnermusiassanik qulakkeerinnittarnissaannut allannguutip qanoq piviusunngortitsisinnaanera siullermeerinninnermi pingaarnertut qitiutinneqarpoq.

Ataatsimiititaliap siunnersuummik suliarinninnerata saniatigut Naalakkersuisut akissuteqaataat feeriarnermusiat pillugit ajornartorsiummut nassuiaataasoq ataatsimiititaliamit maluginiarneqarpoq; siunnersuuteqartup suliamik saqqummiussineranut matuma kingornagut tamatuma peqatigisaanik iluarsisutaasoq. Akissuteqaammi itisilerneqarpoq, sulisartut feeriarnermusiassaminnik annaasaqarneq ajortut, ajornartorsiummili qitiusoq tassaasoq sulisartut qinnuteqaqqaartinnatik sulinngiffeqartussaatinnaatilluunniit feeriarnermusiassaminnik

tigusineq ajornerat.

Tamatuma saniatigut feeriarnermusiassat tiguniaraanni sulisartoq sulisitsisumut konto aamma/imaluunniit attavissat pillugit paasissutissanik tunniussisimasariaqartoq paasissutissiissutigineqarpoq. Tassunga atatillugu Naalackersuisut maluginiaqqaat, NemKonto 1. juni 2023-mi atuutilermat, taamaalillunilu sulisitsisup inuup normua pigiguniuk feeriarnermusianik tunniussinissaminut konto normumik nassaarsinnaalluni. Tamanna ajornartorsiu tip aaqqiivigineqarnissaanut peqataaqataassasoq Naalackersuisunit nalilerneqarpoq.

Ataatsimiititaliaq suliaq pillugu apeqquteqarpoq, tamatumani ataatsimiititaliamit maluginiarneqarluni Naalackersuisut akissuteqaatiminni (ilanngussaq 1) innersuussutigigaat, siunnersuuteqartup siunnersuutigisaralua naaportorlugu sulisut pillugit paasissutissanik pissarsisarnissamik periusissiorneq imaangitsoq ajornartorsiummik aaqqiissutaassasoq.

Taamaalillunilu Naalackersuisut allannguutissatut siunnersuutaatigut siunniunneqarpoq sulinngiffeqarneq pillugu inatsimmi allannguinnissaq pisariaqassanersoq misissorneqassasoq. Naalackersuisut allannguutissatut siunnersuutaat pineqartumik allannguinninnissamik piunasaqaammut naammassinnittutut ataatsimiititaliamit nalilerneqarpoq, tassa siunnersuutaqqaartumit annertunerusumik allaanerungimmat aammalu aningaasaqarnikkut allaffissornikkullu annertunerusumik kinguneqassanganngimmat.

Sulinngiffeqarneq pillugu inatsisip naleqqussarneqarnissaanik Naalackersuisunik peqqussuteqarnissaq, tassungalu ilanngullugu feeriarnermusiassat sulisartumut tunniunneqarsinnaaqullugit uppersaasiinissamat piunasaqaatip peerneqarnissaa, Naleqqap allannguutissatut siunnersuutaani anguniarneqartoq ataatsimiititaliamit maluginiarneqarpoq. Allannguutissatut siunnersuummik saqqummiussinermi pineqartumik allannguinninnissaq piunasaqaataavoq. Siunnersuutaqqaartumit ima allaanerutigimmat allaat siunnersuutit nutaatut isigineqarsinnaalluni Naleqqap allannguutissatut siunnersuutit saqqummiussaa pineqartumik allannguinninnissamik piunasaqaammut eqquutsitsinngitsoq ataatsimiititaliap maluginiarpa.

Ataatsimiititaliap maluginiarpa sulinngiffeqarneq pillugu inatsimmi §§ 18-21 inersuarmi oqallinnermi oqaluuserineqartut.

5. Siunnersuutip aningaasaqarnikkut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinnerani aningaasaqarnikkut allaffissornikkullu kingunerisassat siunnersuutip tunngavilersuutaani aallaaserineqassat.

Matumani siunnersuutip piviusunngortinnissaanut aningaasaqarnikkut allaffissornikkullu kingunerisassaanut tunngatillugu Naalakkersuisut siunnersuummik qanoq piviusunngortitsinissaat apeqqutaasoq ataatsimiititaliap maluginiarpaa.

Naalakkersuisut akissuteqaataat malillugu, Naalakkersuisut allannguutissatut siunnersuutaata aningaasaqarnikkut kingunerisassai ersarinngillat. Tamanna AC-fuldmægtigip ukiup ataatsip akissarsiaasa nalingisa affaannik naleqassasoq ataatsimiititaliap nalilerpaa.

Naleqqap allannguutissatut siunnersuutaata aningaasaqarnikkut allaffissornikkullu kingunerisassai aamma ersarinngillat. Taamatuttaaq piviusunngortitsineq AC-fuldmægtigip ukiup ataatsip akissarsiaasa nalingisa affaannik naleqassasoq ataatsimiititaliap nalilerpaa.

6. Ataatsimiititaliap inassuteqaatai

Ataatsimiititaliap isumaqatigiittup akuerineqassasoq Naalakkersuisut allannguutissatut siunnersuutaat inassutigaa.

Ataatsimiititaliap taama oqaaseqaateqarluni isumaliutissiissummilu allassimasutut paasinnilluni siunnersuut aappassaaniigassanngortippaa.

Karl Tobiassen
Siulittaasoq

Emanuel Nûko
Siulittaasup Tullia

Asii Chemnitz Narup

Mikivsuk Thomassen

Lars Poulsen

Dines Mikaelson

Aqqalu Jerimiassen